

জনসংযোগ অফিস
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি

বঙ্গবন্ধু স্মারক বক্তৃতামালা অনুষ্ঠিত ॥
বঙ্গবন্ধু বাংলাদেশকে শৈল্পিক এবং বিজ্ঞানমনস্ক
চিন্তা-ভাবনা দিয়ে গড়ে তোলার চেষ্টা করেছেন
-এইচ টি ইমাম

জাহাঙ্গীরনগর বিশ্ববিদ্যালয়, ২০ মার্চ ২০১৯।

ইনস্টিটিউট অব রিমোট সেনসিং, জাহাঙ্গীরনগর বিশ্ববিদ্যালয় (আইআরএস-জেইউ) আয়োজিত বঙ্গবন্ধু স্মারক বক্তৃতামালায় প্রধান অতিথির ভাষণে মাননীয় প্রধানমন্ত্রীর রাজনৈতিক উপদেষ্টা এইচ টি ইমাম বলেছেন, বঙ্গবন্ধু ও বাংলাদেশ এক এবং অভিন্ন। বঙ্গবন্ধুর সবচেয়ে বড় অর্জন তিনি বাঙালি জাতির চেতনা এবং সত্ত্বা জাগিয়ে তুলেছেন। এইচ টি ইমাম তাঁর ভাষণে আরও বলেন, জাতির পিতা বঙ্গবন্ধু বাংলাদেশের শুধুমাত্র মহান স্থপতি নন, তিনি একই সঙ্গে বাংলাদেশ নির্মাণের প্রকৌশলীও বটে। তিনি বাংলাদেশকে গড়ে তোলার চেষ্টা করেছেন শৈল্পিক এবং বিজ্ঞানমনস্ক চিন্তা-ভাবনা দিয়ে। উপাচার্য অধ্যাপক ড. ফারজানা ইসলামের সভাপতিত্বে অনুষ্ঠিত বক্তৃতামালায় প্রধান অতিথি তাঁর ভাষণে বঙ্গবন্ধুর স্বপ্নের সোনার বাংলা বিনির্মাণে সকলকে একযোগে কাজ করার আহবান জানান। সভাপতির ভাষণে উপাচার্য বঙ্গবন্ধুকে রাজনীতির অমর কাব্যের রচয়িতা হিসেবে অভিহিত করেন। আজ বেলা সাড়ে চারটায় জহির রায়হান মিলনায়তনের সেমিনার কক্ষে বঙ্গবন্ধু স্মারক বক্তৃতামালায় মূল প্রবন্ধ উপস্থাপন করেন এশিয়ান ইনস্টিটিউট অব টেকনোলজি (এআইটি, থাইল্যান্ড) এর বঙ্গবন্ধু চেয়ার প্রফেসর ড. জয়শ্রী রায়। ড. জয়শ্রী রায় তাঁর বক্তব্যে বিশ্ব আবহাওয়া ও জলবায়ু পরিবর্তনের প্রভাব মোকাবেলায় আঞ্চলিক সহযোগিতার ওপর গুরুত্ব আরোপ করেন। তিনি ভবিষ্যতের সম্ভাবনাসমূহ নিয়ে ছাত্র-শিক্ষকদের গবেষণা করার আহবান জানান। ইনস্টিটিউট অব রিমোট সেনসিং এর পরিচালক অধ্যাপক ড. শেখ তৌহিদুল ইসলামের পরিচালনায় অনুষ্ঠানে বিশেষ অতিথি হিসেবে উপস্থিত ছিলেন প্রো-উপাচার্য (শিক্ষা) অধ্যাপক ড. মো. নূরুল আলম, কোষাধ্যক্ষ অধ্যাপক শেখ মো. মনজুরুল হক এবং বিশ্ববিদ্যালয়ের ভারপ্রাপ্ত রেজিস্ট্রার রহিমা কানিজ।

পরিচালক (ভারপ্রাপ্ত)
জনসংযোগ অফিস